

НА ХВАЛИТЕХ

Стихиры Осмогласника воскресны – 4, и анатолиева – 1,
и Триоди, самогласны – 3. Глас 2:

6. Стих: Хвалите Его в кимвалех доброгласных, хвалите Его в кимвалех восклицания, / всякое дыхание да хвалит Господа.

Блуднаго глас приношаю Ти, Гóсподи: / согреших пред очима Тво́йма, Благий, / расточи́х богатство Твоих дарова́ний. // Но приими мя кающася, Спасе, и спаси́ мя.

Глас 4:

7. Стих: Воскресни, Господи Боже мой, да вознесется рука Твоя, / не забуди убогих Твоих до конца.

Яко блудный сын приидох и аз, Ще́дре, / житие все иждивый во отше́ствии; / расточи́х богатство, еже дал ми еси, Отче: // приими мя кающася, Боже, и поми́луй мя.

Глас 8:

8. Стих: Исповемся Тебе, Господи, всем сердцем моим, / повем вся чудеса Твоя.

Ижди́х блудно отеческаго имения богáтство, / и расточив, пúст бы́х, / в страну вселився лука́вых гра́ждан, / и к тому́ не терпя с ними сожíteльства, / обраща́ся вопию Ти, ще́дрому Отцу: / согреши́х на небо и пред Тобо́ю, / и не́смь достоин наре́щися сы́н Твой; / сотвори мя яко еди́наго от наёмник Твои́х, // Боже, и поми́луй мя.

«СЛАВА», ГЛАС 6:

Отче Благий, удалихся от Тебе, не оста́ви мене́, / ниже непотребна покажи Цáрствия Твоего́: / враг вселукавый обнажи мя и взят мое богáтство, / душевная дарования блúдно расточи́х. / Востав убо обраща́ся к Тебе́, вопию́: / сотвори мя, яко еди́наго от наёмник Твои́х; / мене ради на кресте пречистеи Твои рúце простры́й, / да лютаго зверя исхи́тиши мя́, / и в первую одежду облече́ши мя́, // яко еди́н Многоми́лостив.

И ныне: Препоблагословенна еси Богоро дице Дево:

Славословие великое. ектении, и отпуст. И обычно литиа, на нейже поется Слава, и ныне: стихира евангельская: и чтутся оглашения. И час первый в притворе. И совершенный отпуст.

НА ЛИТУРГИИ

Блаженна Осмогласника, на 6: и Триоди песнь 6-я, на 4:

КОНДАК, ГЛАС 3. ПОДОБЕН: ДЕВА ДНЕСЬ:

Отеческия славы Твоя удалихся безумно, / в злых расточив еже ми предал еси богатство. / Темже Ти блуднаго глас приношу: / согреших пред Тобою Отче щедрый, / прими мя кающася, // и сотвори мя яко единого от наемник Твоих.

Прокимен Апостола по гласу.

Аллилуия гласа.

Причастен: Хвалите Господа с Небес:

Подобает ведати, яко в седмице мясопустной Аллилуиа не поем: оставляем же и едину кафисму Псалтира от Утрени, и глаголем сию на Вечерни. Песней во Псалтири не глаголем. Не поется же и междочасие, и канон молебный Пресвятей Богородице, поемый на Повечерии: Повечерие же поется малое: Такожде творим в седмице сырной, разве среды и пятка: но о сем всем тамо указа ищи. Прочитаем же в сей недели в койлюбо день на Утрени слово святого Макариа о Четырдесятнице, и Пятьдесятнице, егоже начало: Чадца моя, радуется сердце мое вас ради:

Ведомо же да есть, яко последование прилучающихся святых в субботу, и в Неделю мясопустную, поется в мимошедших Повечериях. Такожде о субботе и Неделе сыропустной творим: или како настоятель изволит, кроме аще где случится великаго святого память.